

Festa por Sant Ujöp da Oies



Le vendres ai 29 de iener festejeia la Dlija le dé de Sant Ujöp Freinademetz, le Sant da Oies. Cösc ven recordé samben ince eniann, ai 28 y 29 de iener. La jöbia ai 28 ales 20:00 él sö Oies na devoziun y oraziun en onú de Sant Ujöp Freinademetz. Le vendres ai 29 él ales 16:00 na santa messa da festa a Oies, co sará ince da aldí te „Radio Maria Südtirol“ y sön „Radio Grüne Welle“. Na secunda messa ven dita ales 20:00. La jont é periada da tigní ete les prescriziuns por le coronavirus.



Vita de ploania y de paisc

Ofertes - tal pröm mez ann 2021 **mess gní menades demez** cöstes ofertes:

07.03. patronat ALCI-KVW

14.03. Kassian Tschiederer-Werk

02.04. oferta de Carsema “Misereor”

11.04. fonds de solidarietá dal clero

18.04. l'Università Catolica de Milan

27.06. obolo de San Pire

Dötes les atres romagn ala dlija.



Enformaziuns y termins

Comun: i sac dal ciomont ven endô partís fora por döt l'ann, porchel seise der bel enviés da passé te comun anter le mens de iener y forá de dedolönesc o de jöbia dales 9:00 ales 12:00 a se do i sac por l'ann 2021. Al é ince la poscibilitá da s'ai prenoté por telefon al ☎ 0474 503760 o por e-mail a margareth.rubatscher@comun.mareo.bz.it. Al ven recordé che sce zacai n'adorass ciamo ia por l'ann gnarái ma plü dés fora sön prenotaziun.

Formaziuns: por porsones enteressades da laoré tal ciamp dai seniores y/o dles porsones con handicap él la poscibilitá da se scrí ete a cöstes formaziuns:

formaziun a mez temp por operadessa - sozio sanitaria co ven tignida a Bornech y **formaziun a mez temp por operadessa - sozio assistenziala** co ven tignida a Porsenú, entrames por porsones dai 25 agn ensö;

formaziun a temp plen por operadessa - sozio assistenziala y formaziun a temp plen por operadessa - sozio sanitaria co ven tignides a Porsenú, a Balsan y a Maran por porsones dai 17/18 agn ensö.

Les iscriziuns por dötes cöstes formaziuns pó gní fates **cina ai 15 de forá** tla Scora por Laurs Soziali "Hannah Arendt". Enformaziuns plü avisa ciafun al ☎ 0471 973494 o sön la plata <http://www.sozialberufe.berufsschule.it>

Döt le bun a: Paul Feichter, *La Ila*

* 25.01.1937

y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit

Comunicaziuns: **cina le dedemesaledema** sera a Franz Rigo, ☎ 0474 500978 o ✉ ploania@gmx.net

Download plata: www.unitepastorala.org



Plata d'la Ploania La Pli de Mareo Santa Maria dal Bun Consei

Ploian: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann B

24.01.2021 - 3. domegna ia por l'ann
DOMEGNA DLA PARORA DE DIO

n. 9

Düc é cherdés

📖 Iona 3, 1–5.10 | 1 Cor 7, 29–31 | Mc 1, 14–20

Dal Vangelo do San Merch:

¹⁴Do ch'an â sciüré Jan Batista te porjun, é Gejú endô jü tla Galilea encündenn le vangelo de Dio ¹⁵y dijea: Le temp é complí, le regn de Dio é dampró. Dede ota y cherdede al vangelo! ¹⁶Canche Gejú passâ söla spona dal le de Galilea, ál odü Scimun y André, le fre de Scimun, co sciürâ fora les reis tal le; ai ea peiapesc. ¹⁷Y al ti á dit: Gnidemo do! I fajará fora de os pesciadus de jont. ¹⁸Atira ái lascé danló söes reis y ti é jüs do. ¹⁹Canch'al ea jü n toch ennant, ál odü laco, le fi de Zebedeus, y so fre Jan; ai ea te barca y arjignâ ca söes reis. ²⁰Atira i ál cherdé, y ai á lascé so pere Zebedeus con sù orás tla barca y ti é jüs do a Gejú.

I ponsun do: *I sun düc cherdés – a vignönn de nos ál dit Gejú: “Ví do a me!” Valch é cherdés al matrimone, d'atri al zelibat; valch menel tles scores, d'atri tai ufizi y ciamó d'atri te bercstot. I jun trus desvalís, mo i jun düc do ala medema cherdada y ci co cunta é ch'i junse dô a Chel Bel Dio te chel post che el á cherí fora por nos.*

I periun: *Bel Dio, to Fi envieia porsones a tó pert a söa misciun. Dásse ligreza por nosta vocaziun y fá fora de nos portadús sonziers de to amur. Por Crist, nosc Signur.*

Vesco Wilhelm Egger “Sonntagsbibel”



📖 Letöres d'la 4. domegna ia por l'ann:

Deut 18, 15–20 | 1 Cor 7, 32–35 | Mc 1, 21–28

Edema liturgica dai 24.01. ai 31.01.2021

DOM 24.	3. domegna ia por l'ann DOMEGNA DLA PARORA DE DIO	<i>Francesch da Sales, Vera, Arno</i>
08:30	gran messa por dōta la ploania s.m. por †† Edoard y Paola Maneschg y por sōes families s.m. por † Germano Frontull, Mareo	<i>oferta por la ploania</i>
10:00	<i>s.m. a Al Plan</i>	
Lön 25.	 festa dla Converjiun de San Paul, Susanna	
Ded 26.	<i>Timoteus y Titus, Paula</i> degüna messa	
Dem 27.	<i>Angela Merici, Iulian, Manfred, Rosalia</i>	
Jöb 28.	<i>Tomesch d'Aquino, Carlo le Gran, Carolina, Karin</i> degüna messa	
Ven 29.	Sant'Ujöp Freinademetz, Valerio, Gerhard	
Sab 30.	<i>Sabeda de Santa Maria Martina, Serena</i> 18:00 <i>s.m. prefestia a Al Plan</i>	
19:30	s.m. prefestia d'aniversar por † Jep Rigo, Rara s.m. d'aniversar por † Lois Pedevilla, Soröa s.m. d'aniversar por † Anna Mühlmann ved. Ploner, Framacia s.m. por † Susanna Erlacher ved. Mühlmann, Baldessé	
DOM 31.	4. domegna ia por l'ann FESTA DE SANT'UJÖP DA OIES	<i>Giovanni Bosco, Scebio</i>
08:30	gran messa en onú de Sant'Ujöp da Oies por dōta la ploania s.m. por †† dla familia Erlacher de Tomele	<i>oferta por la ploania</i>
10:00	<i>s.m. a Al Plan</i>	
<i>ampola:</i>	do entenziun dla fam. Pedevilla, Soröa	
<i>ministronc:</i>	<ul style="list-style-type: none"> • dedolönesc y sabeda: Lisa y Andreas • jöbia y domegna: Elias y Maria 	
<i>i recordun:</i>	Jep Rigo, Rara	† 30.01.2017

Töa parora é verité, ara é löm por me sön düc mi trus.
Vita y ligreza scinchera a mio cör.
Ara é löm por me sön düc mi trus.
(Syn 253)



Domegna dla Parora de Dio



[...] Gesù ripete oggi anche a te: "Coraggio, ti sono vicino, fammi posto e la tua vita cambierà!". Gesù bussa alla porta. Per questo il Signore ti dona la sua Parola, perché tu l'accoglia come la lettera d'amore che ha scritto per te, per farti sentire che Egli ti è accanto. La sua Parola ci consola e incoraggia. Allo stesso tempo provoca la conversione, ci scuote, ci libera dalla paralisi dell'egoismo. Perché la sua Parola ha questo potere: di cambiare la vita, di far passare dall'oscurità alla luce. Questa è la forza della sua Parola. [...]

Papa Francesco 26.01.2020

Segensgebet

*Herr, unser Gott,
du offenbarst dich uns immer wieder neu.
In der Heiligen Schrift überlieferst du uns deine wunderbaren Taten,
die du einst auf vielfältige Weise gewirkt hast.
Du schenkst uns dein heiliges Wort im Menschenwort auch heute,
damit es uns Kraft gibt und zu neuem Leben führt.
Wir bitten dich:
Segne alle, die dein Wort hören, es verkünden und in ihrem Leben bezeugen.
Darum bitten wir durch Christus, unseren Herrn. - Amen*

La Bibia cuntada ai mituns (3)



Le Vedl Testamont

La Bibia á döes de gran perts: le Vedl Testamont y le Nö Testamont. La parora „testamont“ ven dal lingaz latin y ô dí „testimonianza“ o „ierpejun“, „contrat“ o „alianza“ co ô dí l'amizizia de Chel Bel Dio con la jont. La Bibia met man con le Vedl Testamont, la „Pröma Alianza“ o l'„Alianza Vedla“. Tal Vedl Testamont vegnel cunté la storia dal popul de Israel dan la nasciüda de Gejú.

I podun lí desche Chel Bel Dio á acompagné cösc popul endlunch y dagnora, te bogh y te slec tomps, por ti mostré che El é l'unich y der Bel Dio. Tal Vedl Testamont él endöt 46 libri co ven partís sö te cater grups: i cin libri de Mosé, i libri storics, i libri de poesia y de sapionza y i libri dai profec. La maiú pert dai libri dal Vedl Testamont é scric tal lingaz ebraich, valch ince por grech.